



Vventzelaus filius fuit Vratislai ducis Bohemiae ex uxore Drabonucia muliere audace, ad quæuis scelera prona, & gentili. Habebat uerò fratrem Boleslaum maternis moribus similem. Accidit itaq; post patris mortem, ut ipse à Ludmilla paterna auia Christiana, frater uerò à matre educaretur. Itaq; factum ut alumni nutricum mores induentes, Vuentzeslaus Christi pietatē, Boleslaus idolorum culturam sequeretur. Verùm Drabonucia mater ægrè ferebat alterum filiorum Christianum esse, atq; socrum Ludmillam, quæ filium instituerat, strāgulari curauit: ipsa postea imperium suscepit. Tandem uerò inter fratres adultos Cæsaris

& procerum Bohemiae auctoritate ducatus diuiditur. pars una Boleslao (quem mater moribus suis congruentem secuta est) pars uerò altera Vuentzeslao celsit. Itaq; Vuentzelaus sui ducatus sedem Prage tenuit. Erat autem ipse corporis maiestate conspicuus, cibi & potus parcissimus, uirtutibus omnibus præditus, & uirginitatis ad ultimam uitæ diem strenuus conseruator.